

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- 7^{ठं} गेडें च होने आले लोकसभा चुनाएं दे दुए गेड तैहत अज्ज बडलै थमां 88एं सीटें पर वोट पाने दा कम्म शुरू होइ गेआ ऐ।
- जम्मू-सांबा-रियासी लोकसभा हल्के च बी अज्ज वोट पाए जा करदे न। बड़ी मती गिनतरी च मतदाता अपने वोट पा करदे न।
- मुख् चुनां कमीशनर राजीव कुमार होरें आक्खेआ ऐ जे चुनां लेई सब्बे जरूरी इंतजाम कीते गेदे न। उनें मतदाताएं गी अपना वोट पाने दी अपील कीती ऐ।
- उत्तरी कश्मीर दे सोपोर च चला करदे टाकरे च इक आम नागरिक जख्मी होई गेआ ऐ। होर ब्यौरे गी बलगेआ जा करदा ऐ।

<><><><><><>

2nd Phase Election

लोकसभा चुनाएं दे दुए गेड तैहत अज्ज बडलै निग्गर सुरक्षा च वोट पाने दा कम्म शुरू होइ गेआ ऐ। 12 राज्यें ते केन्द्र शासत प्रदेश जम्मू कश्मीर च फैली दी 88 संसदीय सीटें च मतदान होआ करदा ऐ। मध्यप्रदेश दी बेतुल लोकसभा सीट पर बीएसपी दे मेदवार दा काल होई जाने करी उत्थें मतदान गी अगड़ा पाई दित्ता गेआ ऐ। उत्थें मतदान हुन त्रिए गेड च होग। इस गेड तैहत केई बड्डे नेताएं दे चुनावी भविक्ख दा फैसला होग जेहदे च वायनाड थमां सीपीआई दी ऐनी राजा ते कांग्रेस दे राहुल गांधी तिरुवनंथपुरम थमां केन्द्री मंत्री राजीव चन्द्रशेखर ते कांग्रेस दे शशि थरूर, बैंगलुरु दक्खन थमां बीजेपी दे तेजस्वी सूर्या, मथुरा थमां बीजेपी दी हैमा मालिनी, मेरठ थमां बीजेपी दे अरूण गोविल, मांडया थमां कर्नाटक दे साबका मुख्मन्त्री एच.डी. कुमारस्वामी ते पूर्णिया थमां पप्पु यादव शामिल न। इस गेड च कुल 1 ज्हार 202 मेदवार चुनां लड़ा'रदे न। मतदान बडलै 7 बजे शुरू होई गेदा ऐ ते संजा 6 बजे समाप्त होग। 16 लक्ख थमां बद्ध पोलिंग अफसर 1 लक्ख 62 ज्हार मतदान केन्द्रें च 15 करोड 88 लक्ख मतदाताएं दे सुआगत लेई तैआर न।

इस गेड़ तैहत 34 लक्ख 8 ज्हार मतदाता पैहली बारी अपने वोट दे अधिकार दा इस्तेमाल करगन। अज्ज राजस्थान दी 25एं थमां 13 लोकसभा सीटें उप्पर मतदान होग। बिहार दी 5, किशंगंज कटियार पूर्णिया, भागलपुर ते बांका लोक सभा सीटें पर मतदान होग।

<><><><><><>

Jammu Polling

जम्मू-सांबा-रियासी लोकसभा सीट लेई अज्ज दुए गेड़ तैहत बडलै 7 बजे थमां गै मतदान शुरू होइ गेदा ऐ। इस सीट लेई कुल 22 मेदवार चुनां मैदान च न, जिंदे सियासी भविक्ख दा फैसला 17 लक्ख 81 ज्हार शा मते मतदाता अज्ज संजा तगर करी देंगन। एह हल्का देसै दे ओकड़े 88 संसदी हल्के चा इक ऐ जित्थें अज्ज दुए गेड़ तैहत मतदान होआ करदा ऐ। एह हल्का त्रै जिलें-जम्मू, सांबा ते रियासी जिलें च फैले दा ऐ।

<><><><><><>

Live Polling Report Jammu

जम्मू खित्ते च बी अज्ज बडलै थमां गै खरी मती गिनतरी च वोट पाने लेई मतदान केन्द्रें पर पुजजा करदे न। मतदान गी लेइयै लोकें अंदर बड़ा मता उत्साह ऐ ते लोक बड़ी खुशी ते जोश कन्नै लोकतंत्र दे इस महापर्व च हिस्सा लैने लेई अपने घरें शा बाहर आवै करदे न। साढ़े जम्मू संवाददाता अंकुश शर्मा ऐल्ले साढ़े कन्नै फोन लाईन पर जुड़े दे न। आओ उंदे कोला जानने आं जम्मू च मतदान दी ताजा स्थिति बो।

अंकुश तुस ऐल्ले केहड़े मतदान केन्द्र पर ओ? ते केह ऐ उत्थें दी ताजा स्थिति?

<><><><><><>

Live Voting Report Samba

जम्मू-सांबा-रियासी संसदी हल्के च कुल 17 लक्ख 81 ज्हार 545 मतदाता न, जिंदे च 9 लक्ख 21 ज्हार 462 मर्द, 8 लक्ख 60 ज्हार 55 महिलां ते 28 ट्रांसजेंडर मतदाता न। इस हल्के च कुल 2 ज्हार 416 मतदान केन्द्र बनाए गेदे न ते एह हल्का कुल 18 असेंबली हल्के च फैले दा ऐ। इस सीट लेई कुल 22 मेदवार चुनां मैदान च न। पर मुख्क मकाबला बीजेपी ते कांग्रेस बश्कार मन्नेआ जा'रदा ऐ। बीजेपी नै मजूदा सांसद जुगल किशोर शर्मा होरें गी जिसलै के कांग्रेस नै अपने वरिष्ठ नेता ते प्रदेश कार्यकारी अध्यक्ष रमण भल्ला होरें गी चुनां मैदान च तोआरे दा ऐ।

<><><><><><>

Live Voting Report Samba

जम्मू- रियासी लोकसभा सीट हेठ पौंदे सांबा जिले च बी अज्ज बडलै 7 बजे थमां गै मतदान शुरू होइ पेदा ऐ। बडलै थमां गै खरी मती गिनतरी च लोक वोट पाने लेई पुज्जा करदे न। सांबा थमां साढे जिला संवाददाता सतपाल शर्मा। ऐल्ले फोन लाईन पर साढे कन्नै न। आओ उंदे थमां सांबा जिले च मतदान दी ताजा स्थिति बारे जानने आं।

सतपाल तोहाड़ा जिला बन्ने कन्नै लगदा जिला ऐ तां नेय च उत्थें लोकें अंदर किस चाल्ली दा जोश ऐ मतदान गी लेइयै?

<><><><><><>

Live Reasi

जम्मू संसदी सीट पर 2014 ते 2019 दे आम चुनावं च बीजेपी नै जित्त हासल कीती ही। 2019 च जम्मू संसदी सीट लेई बीजेपी ते कांग्रेस बशकार बड़ा सख्त मकाबला दिक्खने गी लब्धा हा। बारे 2019 च इस हल्के च 72.49 फीसदी मतदान होआ हा। अधिकारिएं मूजब चुनावं गी बवस्थित ते रमानदारी आले ढंगै सिर करोआले लेई सुरक्षा सनें होरने सब्बै बंदोबस्त जकीनी बनाए गोदे न।

<><><><><><>

Live Voting Reasi

लोकसभा दे दुए गेड़ दे चुनां तैहत अज्ज जम्मू रियासी लोकसभा सीट तैहत ओंदे रियासी जिले च बी मतदान होआ करदा ऐ। साढे रियासी आले संवाददाता देवेन्द्र ठाकुर ऐल्ले फोन लाईन पर साढे कन्नै जुड़े दे न। आओ उंदे कोला जानने आं रियासी जिले च लोकतंत्र दे महापर्व बारे।

देवेन्द्र बडलै 7 बजे थमां मतदान शुरू होई गोदा ऐ तां तुंदे जिले च मतदाताएं दा जोश क्नेया ऐ की जे तुंदा जिला ओकड़े जिलें च शामिल ऐ जित्थें सब्बने शा मता मतदान होंदा ऐ?

<><><><><><>

CEC Appeal

भारत दे मुख् चुनां आयुक्त राजीव कुमार होरें अज्ज लोकसभा दे दुए गेड़ दे मतदान गी दिक्खदे होई लोकें गी अपील कीती ऐ जे ओह बधी-चढियै वोट पाने दे अपने हक्के दा इस्तेमाल करन। मीडिया कर्मिएं कन्नै गल्ल करदे होई उनें आक्खेआ

<><><><><><>

Security 4th Phase

लोकसभा चुनावें दे चौथे गेड़ लेइ नामांकन भरचे दी जांच अज्ज कीती जाग। इस गेड़ लेई नामांकन भरचे दाखल कराने दा कम्म जंदी संजा समाप्त होई गेआ। इस गेड़ तैहत् 9एं राज्यें ते इक केन्द्र शासत प्रदेश च फैली दिएं 96 लोकसभा सीटें पर अगले म्हीने दी 13 तरीक गी वोट पाए जाने न। संगारै नां वापस लैने दी खीरी तरीक ऐ। इस गेड़ च आंध्रप्रदेश दी सब्बै 25एं सीटें, तेलंगाना दी 17, उत्तर प्रदेश दी 13, महाराष्ट्र दी 11, मध्यप्रदेश ते पच्छिम बंगाल दी 8-8, बिहार दी 5, झारखंड ते ओडिशा दी 4-4 ते जम्मू कश्मीर दी इक सीट पर वोट पाए जाने न।

<><><><><><><><>

Encounter

बारामुला जिले च कल सुरक्षाबलें ते आतंकवादिएं बश्कार टाकरा होआ जेहदे च इक आम नागरिक जख्मी होई गेआ। पुलसै मूजब टाकरे दरान इस आम नागरिक गी मूंडे पर गोली लग्गी जेहदे परैत उसी तुरत नेड़े दे अस्पताल पजाया गेआ। ओह्दी हालत हुन स्थिर दस्सी जा'रदी ऐ। सुरक्षाबलें दा एह अभियान अजें बी जारी ऐ ते होर ब्यौरे गी बलगेआ जा करदा ऐ।

<><><><><><><><>

LS-Poll 5th Phase

लोकसभा दे 5में गेड़ दे चुनां लेई अज्ज अधिसूचना जारी करी दित्ती गई ऐ। इस गेड़ तैहत् 6 राज्यें ते दऊं केन्द्र शासत प्रदेशें दिएं कुल 49 लोकसभा सीटें लेई मतदान होग। इंदे च उत्तर प्रदेश दियां 14, महाराष्ट्र दियां 13, पच्छिम बंगाल दियां 7, ओडिशा ते बिहार दियां 5-5, झारखंड दियां 3 सीटां ते जम्मू कश्मीर ते लद्दाख दी 1-1 सीट शामिल ऐ। इस गेड़ लेई नामजदगी आले कागद-पत्र 3 मई तगर जमा करोआए जाई सकदे न। इस गेड़ लेई मतदान 20 मई गी मतदान होग। ओडिशा च असेंबली दे दुए गेड़ दे चुनां लेई बी अज्ज अधिसूचना जारी होई गई ऐ।

<><><><><><><><>

Kashmiri Migrants Polling

जम्मू कश्मीर च राहत ते आबादकारी सरबंधी मैहकमे दे कमीशनर डॉ. कारवानी होरें दिल्ली च रवा करदे कश्मीरी प्रवासिएं लेई मतदान सरबंधी प्रबंधें दा जायजा लैता। उनें राश्ट्री राजधानी च कश्मीरी प्रवासिएं कन्नै गल्लबात कीती।

डॉ. कारवानी होरें दिल्ली ते राश्ट्री राजधानी क्षेत्र दे अपने त्रऊं रोजा दौरे दरान चऊं बक्ख-बक्ख थाहरें पर बनाए गेदे खास मतदान केन्द्रें पर प्रबंधें दा जायजा लैता। एहू मतदान केन्द्र पृथ्वीराज रोड, शालीमार बाग, दिलशान गार्डन ते नजफगढ़ च बनाए गेदे न। कमीशनर होरें होर सुधार करने दे निर्देश जारी कीते। उनें कश्मीरी पंडितें दी बक्ख-बक्ख संस्थाएं दे नुमायंदे कन्नै गल्लबात बी कीती। दिल्ली-एनसीआर च रवा करदे प्रवासी खास मतदान केन्द्रें दा विकल्प चुनी सकदे न। जेहदे लेई उनेंगी एम फार्म भरना होग जां पोस्टल बैलेट दा विकल्प चुनी सकदे न जेहदे लेई उनेंगी 12-सी फार्म भरना होग।

<><><><><><>

Chief Secretary Tourism

मुख्य सचिव अटल डुल्लू होरें कल सैलसफा ते संस्कृति मैह्कमे दे अधिकारिएं कन्नै लग्गी दी मीटिंग दी अध्यक्षता कीती। इस मीटिंग च केन्द्र शासत प्रदेश च धार्मिक-दस्तकारी ते विरासती सैलसफा गी बढ़ावा देने बारे गल्लबात कीती गई। मुख्य सचिव होरें आकखेआ जे केन्द्र शासत प्रदेश जम्मू कश्मीर च कुदरती शलैपे दे कन्नै विरासती, सांस्कृतिक, दस्तकारी ते खान-पान सरबंधी सैलसफा दी बड़ी मती संभावना ऐ। उनें कला, संस्कृति ते भाषा सरबंधी अकैडमी कन्नै रलियै संस्कृति प्रोग्रामें दा सरिस्ता करने लेई आकखेआ। सैलसफा आली थाहरें पर सैलानिएं गी दित्ते जाने आली सहूलतें बारे बी सोच बचार कीता गेआ।

<><><><><><>

World Malaria Day

जम्मू संभाग च कल जानकारी शिक्षा ते संचार सरबंधी गतिविधिएं राएं विश्व मलेरिया दिवस मनाया गेआ। गंदे पानी कन्नै होने आली बमारिएं दी रोकथाम लेई विश्व स्वास्थ्य संगठन कन्नै रलियै नैशनल सेंटर दी वैन कांफ्रेंस बी लोआई गई। आकाशवाणी जम्मू ते एफ.एम.रेडिया चैनल पर इंटरव्यू ते दूए प्रसारण राएं मलेरिया गी लेइयै जागरूकता फैलाई गई। मलेरिया गी नियंत्रण करने ते एहदी रोकथाम बारे बक्ख-बक्ख पैहलुएं दी लोकें गी जानकारी दित्ती गई।

<><><><><><>